



SAKSPAPIR

Saksnr	Utval	Type	Dato
16/2015	Formannskap/plan- og økonomiutvalet	PS	09.03.2015

Sakshandsamar	Arkiv	ArkivsakID
Tore Henrik Øye	FE - 242, FA - K00	15/93

TILDELING AV FONDSMIDLAR TIL RYDDING AV GAMLE FERDSLEVEGAR PÅ VERPELSTAD GNR 52 BNR 1

Vedlegg:

Søknad om tilskot til rydding av gamle ferdsløvegar på Verpelstad gbnr 52/1

Vedlegg

Vedtekter Vaksdal kommune sitt fond for vilt, fiske og friluftsliv

Rådmannen sitt framlegg til vedtak:

Formannskapet i Vaksdal kommune løyver inntil kr 15 125,- i tilskot til Kåre Olav Aldal, grunneigar på gnr. 52, bnr. 1, Verpelstad, til opprusting av den gamle ferdslø- og driftevegen frå Naustbakken til innmarka på garden, samt ferdsløvegen til markaløa i Botn. Gjeremåla er tilretteleggings- og friluftslivstiltak for å lette ålmenta si ferdslø på vegane/stiane.

Tilskotssatsen for innkjøp av materiell/utstyr er sett til 100 % av dokumenterte kostnader, medan godgjersla for eige arbeid er sett til 50 % av godkjent sats på kr 200,-/time.

Tilskotet vert løyvd frå «Vaksdal kommune sitt fond for vilt, fiske og friluftsliv», der formannskapet utgjer fondsstyret. Tildelinga er heimla i §§ 2 og 5 i fondsvedtektene.

Tilskotet vert utbetalt etterskotsvis, når sluttrapport med naudsynt dokumentasjon ligg føre (faktura, timelister, bilete og liknande).

Arbeidsfristen for tiltaka vert sett til januar 2018. Etter dette vert tilskotet trekt tilbake, dersom det ikkje blir søkt om utsett arbeidsfrist i inntil eitt år. Vaksdal kommune kan synfare tiltaka.

VILKÅR: Grunneigar på gbnr. 52/2 må gje løyve til tiltaka, sidan ferdsløvegane går på felles grunn.

Formannskap/plan- og økonomiutvalet - Sak 16/2015

FPØ - Behandling:

Samrøystes.

FPØ - Tilråding/Vedtak:

Formannskapet i Vaksdal kommune løyver inntil kr 15 125,- i tilskot til Kåre Olav Aldal, grunneigar på gnr. 52, bnr. 1, Verpelstad, til opprusting av den gamle ferdsle- og driftevegen frå Naustbakken til innmarka på garden, samt ferdslevegen til markaløa i Botn. Gjeremåla er tilretteleggings- og friluftslivstiltak for å lette ålmenta si ferdsle på vegane/stiane.

Tilskotssatsen for innkjøp av materiell/utstyr er sett til 100 % av dokumenterte kostnader, medan godgjersla for eige arbeid er sett til 50 % av godkjent sats på kr 200,-/time.

Tilskotet vert løyvd frå «Vaksdal kommune sitt fond for vilt, fiske og friluftsliv», der formannskapet utgjer fondsstyret. Tildelinga er heimla i §§ 2 og 5 i fondsvedtektene.

Tilskotet vert utbetalt etterskotsvis, når sluttrapport med naudsynt dokumentasjon ligg føre (faktura, timelister, bilete og liknande).

Arbeidsfristen for tiltaka vert sett til januar 2018. Etter dette vert tilskotet trekt tilbake, dersom det ikkje blir søkt om utsett arbeidsfrist i inntil eitt år. Vaksdal kommune kan synfare tiltaka.

VILKÅR: Grunneigar på gbnr. 52/2 må gje løyve til tiltaka, sidan ferdslevegane går på felles grunn.

Saksopplysningar:

Bakgrunn

Kåre Olav Aldal, grunneigar av gnr. 52, bnr. 1 på Verpelstad, søker om tilskot til rydding av to gamle ferdslevegane som tilretteleggingstiltak for friluftsliv. Desse er:

- Den gamle drifte- og ferdslevegen frå Naustbakken og fram til innmarka på gbnr. 52/1.
- Ferdslevegen inn til marksløa i Botn (gamal uteslått).

Søklar skriv at dei gamle drifte- og ferdslevegane i dag vert nytta til turgåing, særleg av turgåarar

frå Dale og Dalseid, og at stiane kan vere eit godt alternativ til bilvegen til Verpelstad, spesielt om dei vert rusta opp og vedlikehaldne. I dette høve krevst det både rydding av krattskog og vindfall, reperasjon av utrasa vegmur og lausmassar, samt ulikt sikringsarbeid, som dei omsøkte midlane skal nyttast til. Stiane er avmerkte på kart som føl søknad.

Søklar opplyser at det òg ligg to restaurerte markaløer langs stiane, høvesvis aust og sør for garden Verpelstad. Løene er i god stand, og er blant svært få markaløer som står att i Vaksdal kommune.

I dette høve vert det trekt fram at dei vil utgjere eit turmål og ein attraksjon for turgåarar.

Ryddings- og sikringsarbeidet er budsjettert til kr 23 125,- , inkl. moms, fordelt på innkjøp av materiell og verdsetjing av eige arbeid. Dei ulike kostnadane er spesifisert i søknaden, og framgår av saksvurderinga.

Det vert ikkje søkt om eit spesifikt tilskotsbeløp.

Vurdering

Tilrettelegging for friluftsliv er eitt av føremåla til «Vaksdal kommune sitt fond for vilt, fiske og friluftsliv». I dette høve ligg omsøkte tiltak innafor fondsføremålet, jfr. §§ 2 og 5 i vedtekene for fondet.

Tiltaka vert sett på som positive og nyttige gjeremå for å betre tilhøva for turgåing og friluftsliv på gamle ferd sleårer. I tillegg til den rekreative verdien, har tilrettelegginga òg eit kulturhistorisk aspekt, både med tanke på sjølve ferd slevegane og dei restaurerte markaløene som stiane fører til. Dette representerer kunnskaps- og opplevingsverdiar for turgåarar som vitjar området.

Budsjettet i søknaden er presentert på ein detaljert og oversiktleg måte, med eit realistisk kostnadsverslag på kr 23 125,-, inkl. moms. Heile beløpet vert difor sett på som godkjent kostnad i tilskotssamanheng.

Fondsvedtektene seier ikkje noko om øvre tilskotsgrense, men rådmannen finn det naturleg å bruke ulike tilskotssatsar for innkjøp av materiell/utstyr og godtgjersle for eige arbeid.

Momsutgiftene

er reelle utgifter for tiltakshavar, og det er såleis naturleg å ta inn heile summen i tilskotsbeløpet.

Utrekninga av tilskotet ut frå budsjettpostane i søknaden, vert som følgjer:

	<u>BUDSJETT</u>	<u>TILSKOT</u>
<u>TILSKOTSSUM</u>		
1. Ferd sleveg frå Naustbakken til Verpelstad:		
- Eige arbeid, 35 t, a kr 200/t (rydding/muring av vegmur);	kr 7 000,-	50 %
3 500,-		kr
2. Ferd sleveg til løa i Botn:		
- Innkjøp av materiell/utstyr;	kr 2 500,-	100 %
kr 2 500,-		
- Eige arbeid, 45 t, a kr 200/t (rydding, boring/montering, mm);	kr 9 000,-	50 %
kr 4 500,-		
<u>Moms</u>	<u>kr 4 625,-</u>	
<u>kr 4 625,-</u>		
TOTALT		kr 23 125
kr 15 125,-		
Tilskotet er innafor ramma av tilgjengelege fondsmidlar.		

Konklusjon:

Søknaden om tilskot til opprusting av to, gamle ferd slevegar samsvarer med føremålet til «Vaksdal kommune sitt fond for vilt, fiske og friluftsliv». Rådmannen tilrår difor prioritering av fondsmidlar til omsøkte tiltak.